

# 四通趕過方正唔出奇



嘔頭話四通(409)坐4望5，佢就用兩日時間砌上4皮樓上，年底目標價話明係8皮，依家最令人感到興趣嘅係禮拜五會唔會學早兩個禮拜前嘅方正(418)咁，一日之內砌埋上5皮，即係一個禮拜連過兩關！方正得，但有

理由唔得，何況新浪網個價值，比中華網仲勁，淨係呢個網，每股四通，就要加番3銀，咁你話佢值幾多！

方正話明過咗5皮之後，就搞一個禮拜一銀，上個禮拜超額完成，依家禮拜四亦已經見7皮，睇嚟超額完成係冇走雞。

再咁落去，下個禮拜已經去到8皮呢個目標價，三個禮拜前個價係3皮嘅時候先至講緊目標係8皮，當時幾多人話芝芝狼唔狼嘅呀，依家你再同人講8銀呢個目標價，你估人聽點講你——保唔保守嘅呀！同樣道理，芝芝話四

通會趕上方正砌上8皮，亦一樣係畀人白眼，但三幾個禮拜之後就知！


雙品質Q仔(243)亦一樣，依家係最平，而且亦係有實力嘅科技股，年底前見5皮呢個目標價，你唔可以有任何懷疑！何況佢目標唔上5皮，係翻一番！

阿Ben昇墨鏡激一激，撩兩吓，當堂●起，將雙愛股時富(1049)舞起咗，湧到上0.87元，係威係勢，但兩吓手勢就謝咗，打回原形！芝芝已經同大家講咗好多次，呢個價就算阿Ben唔話貴，芝芝都認為係貴，揸佢嘅度等，不如玩第二隻，就算係唱緊慢板嘅長科(074)，都有啲表現。

## 聯網又話砌上一皮

聯網信貸(185)又話砌過，佢個仔聯網商業(384)先行，靜

方正香港股價走勢



雞雞湧上0.75元，人氣雖少，但隨時嚇你一驚！雙聯網信貸上個禮拜湧到0.40元後畀人狂插，擺明係震倉，又係炒類似啓祥(632)嘅概念，話砌上一皮！

芝芝